0.0.1 mahālisuttam

- evam me sutam: ekam samayam bhaqavā vesālivam viharati mahāvane kūtāgārasālāvam, tena kho pana samavena sambahulā kosalakā ca brāhmanadūtā māgadhakā ca brāhmanadūtā vesālivam pativasanti kenacideva karanīvena. assosum kho te kosalakā ca brāhmanadūtā māgadhakā ca brāhmanadūtā, "samaņo khalu bho gotamo sakyaputto sakyakulā pabbajito vesālivam viharati kūtāgārasālāvam, tam kho pana bhavantam gotamam evam kalyāno kittisaddo abbhuggato: 'iti'pi so bhagavā araham sammāsambuddho vijjācaranasampanno sugato lokavidū anuttaro purisadammasārathī satthā devamanussānam buddho bhagavā'ti. so imam lokam sadevakam samārakam sabrahmakam sassamanabrāhmanim pajam sadevamanussam sayam abhiññā sacchikatvā pavedeti. so dhammam deseti ādikalvānam majjhekalvānam parivosānakalvānam sāttham sabyañjanam kevalaparipunnam parisuddham brahmacariyam pakāseti. sādhu kho pana tathārūpānam arahatam dassanam hotī"ti.
- 2. atha kho te kosalakā ca brāhmaṇadūtā māgadhakā ca brāhmaṇadūtā yena mahāvanaṃ kūṭāgārasālaṃ tenupasaṅkamiṃsu. tena kho pana samayena āyasmā nāgito bhagavato upaṭṭhāko hoti. atha kho te kosalakā ca brāhmaṇadūtā māgadhakā ca brāhmaṇadūtā yenāyasmā nāgito tenupasaṅkamiṃsu. upasaṅkamitvā āyasmantam nāginam etadavocum: "kaham nu kho

bho nāgita, etarahi so bhavam gotamo viharati? dassanakāmā hi mayam tam bhavantam gotamanti. "akālo kho āvuso bhagavantam dassanāya. paṭisallīno bhagavā"ti. atha kho te kosalakā ca brāhmaṇadūtā māgadhakā ca brāhmaṇadūtā tattheva ekamantam nisīdimsu: "disvā'va mayam tam bhavantam gotamam gamissāmā"ti.

- 3. oṭṭhaddho'pi licchavī mahatiyā licchaviparisāya saddhim yena mahāvanam kūṭāgārasālam yenāyasmā nāgito tenupasankami. upasankamitvā āyasmantam nāgitam abhivādetvā ekamantam aṭṭhāsi. ekamantam ṭhito kho oṭṭhaddho'pi licchavī āyasmantam nāgitam etadavoca: "kaham nu kho bhante nāgita, etarahi so bhagavā viharati araham sammāsambuddho? dassanakāmā hi mayam tam bhagavantam arahantam sammāsambuddhanti."
- **4.** "akālo kho mahāli bhagavantam dassanāya. paṭisallīno bhagavā"ti. oṭṭhaddho'pi licchavī tattheva ekamantam nisīdi. "disvā va aham tam bhagavantam gamissāmi arahantam sammāsambuddhanti. "
- 5. atha kho sīho samaņuddeso yenāyasmā nāgito tenupasaṅkami. upasaṅkamitvā āyasmantaṃ nāgitaṃ abhivādetvā ekamantaṃ aṭṭhāsi. 'ekamantaṃ ṭhito

pts page 151

kho sīho samaņuddeso āyasmantam nāgitam etadavoca: ete bhante kassapa, sambahulā kosalakā ca buhmaņadūtā māgadhakā ca brāhmaņadūtā idhūpasankantā bhagavantam dassanāya. oṭṭhaddho'pi licchavi mahatiyā licchaviparisāya saddhim idhūpasankanto bhagavantam dassanāya. sādhu bhante kassapa labhatam esā janatā bhagavannam dassanāyā'ti.

- 6. 'tena hi sīha, tvaññeva bhagavato ārocehīti'. 'evaṃ bhante'ti kho sīho samaṇuddeso āyasmato nāgitassa paṭissutvā yena bhagavā tenupasaṅkamitvā bhagavantaṃ abhivādetvā ekamantaṃ aṭṭhāsi. ekamantaṃ ṭhito kho sīho samaṇuddeso bhagavantaṃ etadavoca: "ete bhante sambahulā kosalakā ca brāhmaṇadūtā māgadhakā ca brāhmaṇadūtā idhūpasaṅkantā bhagavantaṃ dassanāya, oṭṭhaddho'pi licchavī mahatiyā licchaviparisāya saddhiṃ idhūpasaṅkanto bhagavantaṃ dassanāya. sādhu bhante labhataṃ esā janatā bhagavantaṃ dassanāyā"ti.
- 7. "tena hi sīha vihārapacchāyāyam āsanam paññā-pehī"ti.
- 8. "evam bhante'ti kho sīho samaņuddeso bhagavato paţissutvā vihārapacchāyāyam āsanam paññāpesi. atha kho bhagavā vihārā nikkhamma vihārapacchāyāyam paññatte āsane nisīdi.

- 9. atha kho te kosalakā ca brāhmaṇadūtā māgadhakā ca brāhmaṇadūtā yena bhagavā tenupasaṅkamiṃsu. upasaṅkamitvā bhagavatā saddhiṃ sammodiṃsu. sammodanīyaṃ kathaṃ sārāṇīyaṃ vītisāretvā ekamantaṃ nisīdiṃsu. oṭṭhaddho'pi licchavī mahatiyā licchaviparisāya saddhiṃ yena bhagavā tenupasaṅkami. upasaṅkamitvā bhagavantaṃ abhivādetvā ekamantaṃ nisīdi. ekamantaṃ nisinno kho oṭṭhaddho licchavī bhagavantaṃ etadavoca:
- 10. "purimāni bhante divasāni purimatarāni sunakkhatto licchaviputto yenāham tenupasankami. upasankamitvā mam etadavoca: 'yadagge aham mahāli, bhagavantam upanissāya viharāmi na ciram tīni vassāni, dibbāni hi kho rūpāni passāmi piyarūpāni kāmūpasamhitāni rajanīyāni. no ca kho dibbāni saddāni sunāmi piyarūpāni kāmūpasamhitāni rajanīyāni"ti. santāneva nu kho bhante sunakkhatto licchaviputto dibbāni saddāni nāssosi piyarūpāni kāmūpasamhitāni rajanīyāni udāhu asannānī"?ti.
- **11.** "santāneva kho mahāli sunakkhatto licchaviputto dibbāni saddāni nāssosi piyarūpāni kāmūpasaṃhitāni rajanīyāni no asannānī"ti.
- 12. "ko nu kho bhante hetu ko paccayo, yena santāneva sunakkhatto licchaviputto dibbāni saddāni nās-

sosi piyarūpāni kāmūpasaṃhitāni rajanīyāni no asantānī?"ti.

- "idha mahāli bhikkhuno puratthimāya disāya ekamsabhāvito samādhi hoti dibbānam rūpānam dassanāya piyarūpānam kāmūpasamhitānam rajanīyānam, no ca kho dibbānam saddānam savanāya piyarūpānam kāmūpasamhitānam rajanīyānam, so puratthimāya disāya ekamsabhāvite samādhimhi dibbānam rūpānam dassanāya piyarūpānam kāmūpasamhitānam rajanīyānam, no ca kho dibbānam saddānam savanāya piyarūpānam kāmūpasamhitānam rajanīyānam. puratthimāya disāya dibbāni rūpāni passati piyarūpāni kāmūpasamhitāni rajanīvāni, no ca kho dibbāni saddāni sunāti piyarūpāni kāmūpasamhitāni rajanīvāni, tam kissa hetu: evam hetam mahāli hoti bhikkhuno puratthimāva disāva ekamsabhāvite samādhimhi dibbānam rūpānam dassanāya piyarūpānam kāmūpasamhitānam rajanīvānam, no ca kho dibbānam saddānam savanāva piyarūpānam kāmūpasamhitānam rajanīyānam.
- 14. puna ca param mahāli bhikkhuno dakkhiṇāya disāya ekamsabhāvito samādhi hoti dibbānam rūpānam dassanāya piyarūpānam kāmūpasamhitānam rajanīyānam, no ca kho dibbānam saddānam savaṇāya piyarūpānam kāmūpasamhitānam rajanīyānam. so dakkhiṇāya disāya ekamsabhāvite samādhimhi dibbānam rūpānam dassanāya piyarūpānam kāmūpasamhitānam

rajanīyānam, no ca kho dibbānam saddānam savaņāya piyarūpānam kāmūpasamhitānam rajanīyānam. dakkhiņāya disāya dibbāni rūpāni passati piyarūpāni kāmūpasamhitāni rajanīyāni, no ca kho dibbāni saddāni suņāti piyarūpāni kāmūpasamhitāni rajanīyāni. tam kissa hetu: evam hetam mahāli hoti bhikkhuno dakkhiņāya disāya ekamsabhāvite samādhimhi dibbānam rūpānam dassanāya piyarūpānam kāmūpasamhitānam rajanīyānam, no ca kho dibbānam saddānam savaņāya piyarūpānam kāmūpasamhitānam rajanīyānam.

15. puna ca param mahāli bhikkhuno pacchimāya disāya ekamsabhāvito samādhi hoti dibbānam rūpānam dassanāya piyarūpānam kāmūpasamhitānam rajanīyānam, no ca kho dibbānam saddānam savanāya piyarūpānam kāmūpasamhitānam rajanīyānam. so pacchimāva disāva ekamsabhāvite samādhimhi dibbānam rūpānam dassanāya piyarūpānam kāmūpasamhitānam rajanīyānam, no ca kho dibbānam saddānam savanāya piyarūpānam kāmūpasamhitānam rajanīyānam. pacchimāya disāya dibbāni rūpāni passati piyarūpāni kāmūpasamhitāni rajanīyāni, no ca kho dibbāni saddāni suņāti piyarūpāni kāmūpasamhitāni rajanīyāni. tam kissa hetu: evam hetam mahāli hoti bhikkhuno pacchimāya disāya ekamsabhāvite samādhimhi dibbānam rūpānam dassanāva piyarūpānam kāmūpasamhitānam rajanīyānam, no ca kho dibbānam saddānam savanāya piyarūpānam kāmūpasamhitānam rajanīyānam.

- 16. puna ca param mahāli bhikkhuno uttarāya disāya ekamsabhāvito samādhi hoti dibbānam rūpānam dassanāya piyarūpānam kāmūpasamhitānam rajanīyānam, no ca kho dibbānam saddānam savanāya piyarūpānam kāmūpasamhitānam rajanīyānam, so uttarāya disāya ekamsabhāvite samādhimhi dibbānam rūpānam dassanāva pivarūpānam kāmūpasamhitānam rajanīvānam, no ca kho dibbānam saddānam savanāya piyarūpānam kāmūpasamhitānam rajanīyānam. uttarāya disāya dibbāni rūpāni passati piyarūpāni kāmūpasamhitāni rajanīyāni, no ca kho dibbāni saddāni suņāti piyarūpāni kāmūpasamhitāni rajanīyāni. tam kissa hetu: evam hetam mahāli hoti bhikkhuno uttarāya disāya ekamsabhāvite samādhimhi dibbānam rūpānam dassanāya piyarūpānam kāmūpasamhitānam rajanīvānam, no ca kho dibbānam saddānam savanāya piyarūpānam kāmūpasamhitānam rajanīyānam.
- 17. puna ca param mahāli bhikkhuno uddhamadho tiriyam ekamsabhāvito samādhi hoti dibbānam rūpānam dassanāya piyarūpānam kāmūpasamhitānam rajanīyānam, no ca kho dibbānam saddānam savaņāya piyarūpānam kāmūpasamhitānam rajanīyānam. so uddhamadho tiriyam ekamsabhāvite samādhimhi dibbānam rūpānam dassanāya piyarūpānam kāmūpasamhitānam rajanīyānam, no ca kho dibbānam saddānam savanāya piyarūpānam kāmūpasamhitānam rajanīyānam, uddhamadho tiriyam dibbāni rūpāni passati piyarūpāni kāmūpasamhitāni rajanīyāni no ca kho dibbāni saddāni suņāti piyarūpāni kāmūpasamhitāni ra

janīyāni. tam kissa hetu? evam hetam mahāli bhikkhuno uddhamadho tiriyam ekamsabhāvito samādhi hoti dibbānam rūpānam dassanāya piyarūpānam kāmūpasamhitānam rajanīyānam, no ca kho dibbānam saddānam savanāya piyarūpānam kāmūpasamhitānam rajanīyānam.

- idha mahāli bhikkhuno puratthimāya disāya ekamsabhāvito samādhi hoti dibbānam saddānam savanāya piyarūpānam kāmūpasamhitānam rajanīyānam, no ca kho dibbānam rūpānam dassanāya piyarūpānam kāmūpasamhitānam rajanīyānam. so puratthimāya disāya ekamsabhāvite samādhimbhi dibbānam saddānam savanāva pivarūpānam kāmūpasamhitānam rajanīvānam, no ca kho dibbānam rūpānam dassanāva pivarūpānam kāmūpasamhitānam rajanīvānam, puratthimāya disāya dibbāni saddāni suņāti piyarūpāni kāmūpasamhitāni rajanīyāni, no ca kho dibbāni rūpāni passati kāmūpasamhitāni rajanīyāni. tam kissa hetu? evam hetam mahāli hoti bhikkhuno puratthimāva disāya ekamsabhāvite samādhimbhi dibbānam saddānam savanāya piyarūpānam kāmūpasamhitānam rajanīyānam, no ca kho dibbānam rūpānam dassanāya piyarūpānam kāmūpasamhitānam rajanīyānam.
- 19. puna ca param mahāli bhikkhuno dakkhiṇāya disāya ekaṃsabhāvito samādhi hoti dibbānaṃ saddānaṃ savaṇāya piyarūpānaṃ kāmūpasaṃhitānaṃ rajanīyā-

nam, no ca kho dibbānam rūpānam dassanāya piyarūpānam kāmūpasamhitānam rajanīyānam. so dakkhināya disāya ekamsabhāvite samādhimbhi dibbānam saddānam savaņāya piyarūpānam kāmūpasamhitānam rajanīyānam, no ca kho dibbānam rūpānam dassanāya piyarūpānam kāmūpasamhitānam rajanīyānam. dakkhināya disāya dibbāni saddāni suņāti piyarūpāni kāmūpasamhitāni rajanīyāni, no ca kho dibbāni rūpāni passati kāmūpasamhitāni rajanīyāni. tam kissa hetu? evam hetam mahāli hoti bhikkhuno dakkhināya disāya ekamsabhāvite samādhimbhi dibbānam saddānam savanāya piyarūpānam kāmūpasamhitānam rajanīyānam, no ca kho dibbānam rūpānam dassanāya piyarūpānam kāmūpasamhitānam rajanīyānam.

20. puna ca paraṃ mahāli bhikkhuno pacchimāya disāya ekaṃsabhāvito samādhi hoti dibbānaṃ saddānaṃ savaṇāya piyarūpānaṃ kāmūpasaṃhitānaṃ rajanīyānaṃ, no ca kho dibbānaṃ rūpānaṃ dassanāya piyarūpānaṃ kāmūpasaṃhitānaṃ rajanīyānaṃ. so pacchimāya disāya ekaṃsabhāvite samādhimbhi dibbānaṃ saddānaṃ savaṇāya piyarūpānaṃ kāmūpasaṃhitānaṃ rajanīyānaṃ, no ca kho dibbānaṃ rūpānaṃ dassanāya piyarūpānaṃ kāmūpasaṃhitānaṃ rajanīyānaṃ. pacchimāya disāya dibbāni saddāni suṇāti piyarūpāni kāmūpasaṃhitāni rajanīyāni, no ca kho dibbāni rūpāni passati kāmūpasaṃhitāni rajanīyāni. taṃ kissa hetu? evaṃ hetaṃ mahāli hoti bhikkhuno pacchimāya disāya ekaṃsabhāvite samādhimbhi dibbānam saddānam savanāya piyarūpānam kāmūpasam-

hitānam rajanīyānam, no ca kho dibbānam rūpānam dassanāya piyarūpānam kāmūpasamhitānam rajanīyānam.

- 21. puna ca param mahāli bhikkhuno uttarāya disāya ekamsabhāvito samādhi hoti dibbānam saddānam savanāya piyarūpānam kāmūpasamhitānam rajanīyānam, no ca kho dibbānam rūpānam dassanāya piyarūpānam kāmūpasamhitānam rajanīyānam, so uttarāya disāya ekamsabhāvite samādhimbhi dibbānam saddānam savanāya piyarūpānam kāmūpasamhitānam rajanīyānam, no ca kho dibbānam rūpānam dassanāya piyarūpānam kāmūpasamhitānam rajanīvānam. uttarāva disāva dibbāni saddāni suņāti piyarūpāni kāmūpasamhitāni rajanīyāni, no ca kho dibbāni rūpāni passati kāmūpasamhitāni rajanīyāni. tam kissa hetu? evam hetam mahāli hoti bhikkhuno uttarāva disāva ekamsabhāvite samādhimbhi dibbānam saddānam savaņāya piyarūpānam kāmūpasamhitānam rajanīvānam, no ca kho dibbānam rūpānam dassanāya piyarūpānam kāmūpasamhitānam rajanīyānam.
- 22. puna ca param mahāli bhikkhuno uddhamadho tiriyam ekamsabhāvito samādhi hoti dibbānam saddānam savaņāya piyarūpānam kāmūpasamhitānam rajanīyānam, no ca kho dibbānam rūpānam dassanāya piyarūpānam kāmūpasamhitānam rajanīyānam. so uddhamadho tiriyam ekamsabhāvite samādhimbhi dibbānam saddānam savaņāya piyarūpānam kāmūpasamhitānam rajanīyānam, no ca kho dibbānam rūpānam

dassanāya piyarūpānam kāmūpasamhitānam rajanīyānam. uddhamadho tiriyam dibbāni saddāni suņāti piyarūpāni kāmūpasamhitāni rajanīyāni, no ca kho dibbāni rūpāni passati kāmūpasamhitāni rajanīyāni. tam kissa hetu? evam hetam mahāli hoti bhikkhuno uddhamadho tiriyam ekamsabhāvite samādhimbhi dibbānam saddānam savaņāya piyarūpānam kāmūpasamhitānam rajanīyānam, no ca kho dibbānam rūpānam dassanāya piyarūpānam kāmūpasamhitānam rajanīyānam.

idha mahāli bhikkhuno puratthimāya disāya ubhayamsabhāvito samādhi hoti dibbānañca rūpānam dassanāya piyarūpānam kāmūpasamhitānam rajanīyānam, dibbānañca saddānam savanāya piyarūpānam kāmūpasamhitānam rajanīyānam, so puratthimāya disāya ubhayamsabhāvite samādhimbhi dibbānañca rūpānam dassanāva pivarūpānam kāmūpasamhitānam rajanīvānam, dibbānañca saddānam savanāva piyarūpānam kāmūpasamhitānam rajanīyānam, puratthimāya disāya dibbāni ca rūpāni passati pivarūpāni kāmūpasamhitāni rajanīvāni, dibbāni ca saddāni sunāti pivarūpāni kāmūpasamhitāni rajanīyāni. tam kissa hetu? evam hetam mahāli hoti bhikkhuno puratthimāya disāya ubhayamsabhāvite samādhimbhi dibbānañca rūpānam dassanāva pivarūpānam kāmūpasamhitānam rajanīvānam. dibbānañca saddānam savanāya piyarūpānam kāmūpasamhitānam rajanīyānam.

pts page 155

- 24. puna ca param mahāli bhikkhuno dakkhināya disāya ubhayamsabhāvito samādhi hoti dibbānañca rūpānam dassanāya piyarūpānam kāmūpasamhitānam rajanīyānam, dibbānanca saddānam savanāya piyarūpānam kāmūpasamhitānam rajanīyānam. so dakkhināva disāva ubhavamsabhāvite samādhimbhi dibbānañca rūpānam dassanāya piyarūpānam kāmūpasamhitānam rajanīvānam, dibbānanca saddānam savanāva piyarūpānam kāmūpasamhitānam rajanīyānam. dakkhināya disāya dibbāni ca rūpāni passati piyarūpāni kāmūpasamhitāni rajanīyāni, dibbāni ca saddāni sunāti piyarūpāni kāmūpasamhitāni rajanīyāni. tam kissa hetu? evam hetam mahāli hoti bhikkhuno dakkhināya disāya ubhayamsabhāvite samādhimbhi dibbānañca rūpānam dassanāva piyarūpānam kāmūpasamhitānam rajanīyānam, dibbānañca saddānam savanāya piyarūpānam kāmūpasamhitānam rajanīyānam.
- 25. puna ca param mahāli bhikkhuno pacchimāya disāya ubhayamsabhāvito samādhi hoti dibbānañca rūpānam dassanāya piyarūpānam kāmūpasamhitānam rajanīyānam, dibbānañca saddānam savaņāya piyarūpānam kāmūpasamhitānam rajanīyānam. so pacchimāya disāya ubhayamsabhāvite samādhimbhi dibbānañca rūpānam dassanāya piyarūpānam kāmūpasamhitānam rajanīyānam, dibbānañca saddānam savaņāya piyarūpānam kāmūpasamhitānam rajanīyānam. pacchimāya disāya dibbāni ca rūpāni passati piyarūpāni kāmūpasamhitāni rajanīyāni, dibbāni ca saddāni suņāti piyarūpāni kāmūpasamhitāni rajanīyāni. tam kissa

hetu? evam hetam mahāli hoti bhikkhuno pacchimāya disāya ubhayamsabhāvite samādhimbhi dibbānañca rūpānam dassanāya piyarūpānam kāmūpasamhitānam rajanīyānam, dibbānañca saddānam savanāya piyarūpānam kāmūpasamhitānam rajanīyānam.

- **26.** puna ca param mahāli bhikkhuno uttarāya disāya ubhayamsabhāvito samādhi hoti dibbānañca rūpānam dassanāya piyarūpānam kāmūpasamhitānam rajanīyānam, dibbānañca saddānam savanāya piyarūpānam kāmūpasamhitānam rajanīyānam, so uttarāya disāya ubhayamsabhāvite samādhimbhi dibbānañca rūpānam dassanāva pivarūpānam kāmūpasamhitānam rajanīvānam, dibbānañca saddānam savanāva piyarūpānam kāmūpasamhitānam rajanīyānam. uttarāya disāya dibbāni ca rūpāni passati piyarūpāni kāmūpasamhitāni rajanīvāni, dibbāni ca saddāni sunāti piyarūpāni kāmūpasamhitāni rajanīyāni. tam kissa hetu? evam hetam mahāli hoti bhikkhuno uttarāya disāya ubhayamsabhāvite samādhimbhi dibbānañca rūpānam dassanāya piyarūpānam kāmūpasamhitānam rajanīyānam, dibbānañca saddānam savanāya piyarūpānam kāmūpasamhitānam rajanīyānam.
- 27. puna ca param mahāli bhikkhuno uddhamadho tiriyam ubhayamsabhāvito samādhi hoti dibbānañca rūpānam dassanāya piyarūpānam kāmūpasamhitānam rajanīyānam, dibbānañca saddānam savanāya piyarūpānam kāmūpasamhitānam rajanīyānam. so uddhamadho tiriyam ubhayamsabhāvite samādhi hoti dib-

bānañca rūpānam dassanāya piyarūpānam kāmūpasamhitānam rajanīyānam, dibbānañca saddānam savaņāya piyarūpānam kāmūpasamhitānam rajanīyānam. uddhamadho tiriyam dibbāni ca rūpāni passati piyarūpāni kāmūpasamhitāni rajanīyāni, dibbāni ca saddāni suņāti piyarūpāni kāmūpasamhitāni rajanīyāni. tam kissa hetu? evam hetam mahāli hoti bhikkhuno uddhamadho tiriyam ubhayamsabhāvite samādhi hoti dibbānañca rūpānam dassanāya piyarūpānam kāmūpasamhitānam rajanīyānam, dibbānañca saddānam savanāya piyarūpānam kāmūpasamhitānam rajanīyānam.

- 28. ayam kho mahāli hetu ayam paccayo, yena santāneva sunakkhatto licchaviputto dibbāni saddāni nāssosi piyarūpāni kāmūpasamhitāni rajanīyāni no asantānī"ti.
- **29.** "etāsam nūna bhante samādhibhāvanānam sacchikiriyāhetu bhikkhu bhagavati brahmacariyam carantī"ti.
- **30.** na kho mahāli, etāsam samādhibhāvanānam sacchikiriyāhetū bhikkhū mayi brahmacariyam caranti. atthi kho mahāli, aññe'va dhammā uttaritarā ca paņītatarā ca yesam sacchikiriyāhetu bhikkhū mayi brahmacariyam carantīti.

bjt page 332

15

- **31.** katame pana te bhante dhammā uttaritarā ca paṇītatarā ca, yesaṃ sacchikiriyāhetu bhikkhū bhagavati brahmacariyaṃ carantīti.
- 32. idha mahāli, bhikkhū tiṇṇaṃ saṃyojanānaṃ parikkhayā sotāpanno hoti avinipātadhammo niyato sambodhiparāyaṇo. ayaṃ'pi kho mahāli, dhammo uttaritaro ca paṇītataro ca yassa sacchikiriyāhetu bhikkhū mayi brahmacariyaṃ caranti.
- 33. puna ca' param mahāli, bhikkhū tiṇṇam saṃyojanānam parikkhayā rāgadosamohānam tanuttā sakadāgāmī hoti sakideva imam lokam āgantvā dukkhassantam karoti. ayampi kho mahāli, dhammo uttaritaro ca paṇītataro ca yassa sacchikiriyāhetu bhikkhu mayi brahmacariyam caranti.
- **34.** puna ca'paraṃ mahāli, bhikkhu orambhāgiyānaṃ saṃyojanānaṃ parikkhayā opapātiko hoti tattha parinibbāyī anāvattidhammo tasmā lokā. ayampi kho mahāli, dhammo uttaritaro ca paṇītataro ca yassa sacchikiriyāhetu mayi brahmacariyaṃ caranti.
- 35. puna ca'param mahāli, bhikkhu āsavānam khayā anāsavam cetovimuttim paññāvimuttim diţţheva dhamme sayam abhiññā sacchikatvā upasampajja viharati. ayampi kho mahāli, dhammo uttaritaro ca paṇītataro ca yassa sacchikiriyāhetu bhikkhu mayi brahmacariyam caranti. ime kho te mahāli dhammā uttaritarā ca paṇītatarā

ca yesam sacchikiriyāhetu bhikkhū mayi brahmacariyam carantī"ti.

- **36.** "atthi pana bhante maggo, atthi paṭipadā etesaṃ dhammānaṃ sacchikiriyāyā?"ti.
- **37.** "atthi kho mahāli, atthi paṭipadā, etesaṃ dham-mānaṃ sacchikiriyāyā"ti.
- **38.** "katamo pana bhante maggo, katamā paṭipadā, etesaṃ dhammānaṃ sacchikiriyāyā?"ti.
- **39.** "ayameva ariyo aṭṭhaṅgiko maggo, seyyathīdaṃ? sammādiṭṭhi sammāsaṅkappo sammāvācā sammākammanto sammāājīvo sammāvāyāmo sammāsati sammāsamādhi. ayaṃ kho mahāli maggo ayaṃ paṭipadā, etesaṃ sacchikiriyāya.